



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

8. SS. Anselmi, Ivonis Carnotensis, Petri Cluniacensis, Bernardi, & Petri Cellensis posteà Episcopi Carnotensis.

urn:nbn:de:hbz:466:1-38277

Spiritu DEI, & totius mundi reverentia conservatos, ac secundum sacre Romanae Ecclesie Prædecessorum vestrorum Decreta protulisis, voto, voce & unanimitate nostrâ gladio Spiritus Sancti persequimur, scilicet quos excommunicatis, excommunicamus, quos ab Ecclesia abiecitis, abjecimus, quos anathematizatis, anathematizamus, & quos regulariter causantes veltra auctoritas & Apostolica Sedes reperit, recipiemus.

Anno DCCCLXXVI. Celebratum est in Gallijs Concilium Pontigonense, in quo Canone primo ita Patres decernunt: *Ut honor Domino, & spirituali Patri nostro Johanni VIII. Universali Pape ab omnibus conservetur, & quæ secundum sacram suam ministerium Apostolicâ auctoritate decreverit, cum summa veneratione ab omnibus suscipiantur, & debita illis reverentia in omnibus conservetur.*

Anno DCCCLXXXII. Obiit Hincmarus Archiepiscopus Rhemensis, qui licet Romæ infestus, non potuit tamen non cedere veritati; sic enim de auctoritate Romani Pontificis loquitur in epistola ad Nicolaum I. *In omnibus dubijs vel obscuris, que ad rectâ fidei tenorem, vel pietatis dogmata pertinent, sancta Romana Ecclesia, ut omnium Ecclesiastarum Mater & Magistra, nutrix ac doctrix est consulenda, & ejus salutaria monita sunt tenenda; unde quoniام sicut R. Innocentius ad Decentium Eugubinum Episcopum scribit, manifestum est, in omnem Italiam, Gallias, Hispanias, Africam, atque Siciliam, Insulásque interjacentes nullam instituisse Ecclesiam, nisi eos, quos Venerabilis Petrus aut ejus successores constituerunt Sacerdotes; oportet hoc sequi, quod Romana tenet Ecclesia, ne dum peregrinis institutionibus studeant, caput institutionum videantur amittere. Idem in libro de Prædestinatione contra Godescalcum cap. 4. Sequimur autem, quod Catholica & Apostolica nos docet sancta Romana Ecclesia, que in fide nos genuit. Idem Hincmarus præfatione ad Nicolaum I. PP. Néque enim fas est, ut absque Vicario DEI, absque Clavigero Celi, absque curru & auriga spiritualis Israëlis, absque Universitatem Pontifice, absque singulari Pastore, absque Unico Papa, absque omnium Arbitrio aliquid confunmetur, aut divulgetur: Tu enim tenes claves David. Tu acceperisti claves scientie. In arca quippe pectoris tui, arca Testamenti & manna celestis saporis requiescunt. Tu enim, quod ligas, nemo solvit, quod solvis, nemo ligat: qui aperis, & nemo claudit, claudis & nemo aperit. Vicem namque in terris possides DEL.*

VIII. Anno MCIX. Moritur S. Anselmus ex Abbatte Beccensi (qui locus est in Normandia Galliae provincia) postea Archiepiscopus Can-

Cantuariensis libro de Incarnatione Verbi Urbanum II. ita alloquitur: *Quoniam Divina providentia Vestram elegit sanctitatem, cui vitam & fidem Christianam custodiendam, & Ecclesiam regendam committeret, ad nullum alium rectius refertur, si quid contra Catholicam fidem oritur in Ecclesia, ut ejus auctoritate corrigatur; nec ulli alijs tuitus, si quid contra errorem respondetur, consultetur, ut ejus prudentia examinetur.* Et epistolâ 73. ad Paschalem II. PP. Non timeo exilium, non paupertatem, non tormenta, non mortem, quia ad hæc omnia DEO confortante paratum est cor meum, pro Apostolica Sedis Obedientia, & matris meæ Ecclesia Christi libertate, certitudinem tantum quero, ut sciam absque ambiguitate, quid auctoritate vestra tenere debeam.

Anno MCXIV. Obiit Ivo Carnotensis. Is epistolâ 8. ad Richerium Senonensem Archiepiscopum: *Dicitis me Sedem Gaufridi invasisse, in quo contra Sedem Apostolicam caput erigitur, cuius judicij & constitutionibus obviare planè est heretice pravitatis notam incurgere.*

Anno MCXL. Floruit venerabilis Petrus Cluniacensis; is lib. 4. epistolâ 43. ita Innocentium II. alloquitur: *Spiritus Consilij, qui ubi vult spirat, qui per vos Ecclesia sua per totum Orbem diffusa assidue consultit.*

Anno MCXL. Sex Galliarum Episcopi ad Innocentium II. epistolam scribunt (quæ est inter epistolas S. Bernardi 370.) in hæc verba: *Nulli dubium est, quod ea, quæ Apostolica firmantur auctoritate, rata semper existunt, nec alicuius deinceps mutari possunt cavillatione, vel invidiâ depravari; ea propter ad vestram Apostolicam Sedem, &c. Nota in his, eo tempore ne quidem in Gallijs de Pontificis Infallibilitate dubitatum esse.*

Anno MCLIII. Obiit S. Bernardus clarissimum Galliæ & totius Ecclesiæ lumen. Is epistolâ 190. ita Innocentium II. alloquitur. *Oportet ad Vestrum afferri apostolatum pericula quæcumque & scandalum emergenti in Regno DEI, ea preteritum, quæ de fide contingunt. Dignum namque arbitror ibi potissimum resarciri damna fidei, ubi non possit fides sentire defectum; hec quippe hujus prærogativæ Sedis; cui enim alteri aliquando dictum est: ego pro te rogavi, ut non deficiat fides tua?*

Anno MCLXXXVII. Obiit Petrus Cellensis, Episcopus postea Carnotensis, qui epistolâ 3. Romanum Pontificem appellat: *Petrum radicatum & fundatum in montibus Sanctarum auctoritatum, & in medio, ubi Mater Ecclesiæ nidificat, in foraminibus Petre, & in cavernis maceria: ad voces Rotarum, quæ in se habent spiruum vitæ, securus sequor, quia facies Leonis præcepisti.*

dit, ne aliquid noceat: facies hominis, ne aliquid decipiatur: facies vituli, ne vanitas aliquid subripiat: facies Aquila, ne aliquid dubietatis remaneat, vel tarditatis prepediat. Regula veritatis tornavii rotas istas in circuitu, & orbe veritatis eternae; tantauctoritatis, ut nullius ditioni subjaceat: tanta maturitatis, ut nunquam vultum Deisicum deponat; tanta certitudinis, ut nulla mutatio, aut vicissitudinis obumbratio in eam incurrat.

IX. Anno MCCXLV. Concilium Lugdunense primum, iu quo flos Gallicani Sacerdotij, habitum est. Id vero Pontificum infallibilitatem insigni testimonio his verbis probavit: *Pro humana Redemptione Generis DEI Filius IESUS Christus, ne gregem sui pretio sanguinis redemptum post Resurrectionem ad Patrem absque Pavlo desereret, ipius curam B. Petro (ut sue stabilitate fidei ceteros in Christiana Religione firmaret, eorumque mentes ad salutis opera sue accenderet devotionis ardore) commisit.*

Anno MCCLXXIV. Convenit Concilium Lugdunense secundum, in quo iterum infallibilitas Pontificia egregie confirmata, sic enim Patres, quorum præcipua pars Galli, loquuntur: *Fideli ac devotæ confessione profitemur, quod Spiritus Sanctus aeternaliter ex Patre & Filio tanquam ex uno principio unicâ spiratione procedit. Hoc professa est, hactenus predicavit & docuit, hoc firmiter tenet & prædicat sacrosancta Romana Ecclesia Mater omnium fidelium & Magistra. In eodem Concilio recepta est à Patribus, communique assensu probata Professio fidei Orthodoxæ à Græcis his verbis, quæ infallibilitati manifeste suffragantur, expressa: Ipsa quoque sancta Romana Ecclesia summum & plenum Primum & Principatum super Universam Ecclesiam Catholicam obtinet, quem se ab ipso Domino in B. Petro Apostolorum Principe, sive Vertice, cuius Romanus Pontifex est successor cum potestatis plenitudine, recepisse veraciter, & humiliiter recognoscat, & sicut praeterea fidei veritatem tenetur defendere, sic & siue de fide suborta fuerint questiones, suo debent judicio definiri. Potuitne clarius, majorique Gallorum consensu Infallibilitas Romana commendari? aut Concilium pateretur privilegium causas fidei decidendi se vidente ad Pontificem Romanum transferri, si crederet illud non Pontifici, sed Concilio datum esse?*

Anno MCCLXXIV. Obiit S. Thomas Aquinas clarissimum totius Ecclesiæ ac præsertim Galliæ Lumen, atque à vitio adulandi longissime remotus. Hic vero tam sanctus, tam magnus Doctor, & cui Gallia parem non habuit, Pontificiæ infallibilitati omnium clarissime